

**Neki Lulaj**

***BUKURI E BEKUAR***

**Copyright@Autori-2012**

Neki Lulaj i jep prioritet substancës poetike, afshit të dashurisë dhe sentimentit që përfaqëson zërin e zemrës dhe shpirtit e fjalës. Ai e ndjen veten të degdisur në mesazet, duke parë se si bëjnë një dhe pëshpërtyjnë nga qelli, fjalë të ëmbla dhe loti i heshtjes që të shoqëron. Shpirti i tij noton nëpër një, duke tentuar ta prekë diellin e lënën dhe qellin. Dhe, kur dielli lind, shpirti i tij shndërohet në det dashurie me reze shkëlqimtare dhe afshin e zjarrit të përballimit ndaj atdheut dhe bëjve të shqipes që derdhen gjak për ta bërë Shqipërinë Shqipëri. Neki Lulaj është poeti i lirisë, skulptor fjalësh dhe myshtrës i artit poetik, i ngarkuar me meditime filozofike, nderime, fluturime, përjetime të ëmbla e të dhimbshme, dhe, siç thekson Hasan Qyqalla, vanguard i një pëmbajtje të lartë artistike dhe një ndjeshmëri të thellë ku reflektohet realiteti i shqiptarizmit në Kosovë dhe Diasporë. Liber i mirë është si që na e kultivon shpirtin duke na pajisur me mendime e ndjenja të bukura. Frymëzimi buron nga syni magjik, gjaku i dashurisë dhe zëri i zemrës. Në këtë vëllim defillojnë emocionet, dhembja dhe ballafaqimi me realitetin. Poeti shprehësin me ushtarin, me famullitarin apo me flamutarin e batalionit. Lirika e Neki Lulaj është një forcë e gjallë e vitalitetit shqiptar me tingujt e gjallë të shqiptarizmit në diasporë: "Nëpër furtunën e dent/ Te lindojmë së bashku/ Te dalim buzë Kepit/ Te Shpresën së Mirë/ Per ta ngjitur Kalasë". Ai dëshmon se e ka



përvetësuar historinë dhe e ka ndërë gjuhën shqipe si një zehnerore të floriut për të krijuar vlera të reja. Poeti është mbret që e kupton letërsinë si një ansambel meditimesh sociale, patriotike dhe filozofike, që ta përkujton Kantin e diskutibim, i cili e kundëron kulturën si një gjeometri ku notëron teoria e tij si një metaforë e kohës, hapësirës dhe mjeteve tjera për rimbullakësimin e jetës, një kushtim i bekuar që të flon ta dinamizosh duke rëndur në hap me të dhe me evolucionin e saj. (Baki Ymeri)

ISBN 978-606-8041-53-7



BUKURI E BEKUAR • Neki Lulaj • DIE GESEGNETE SHÖNHEIT



BIBLIOTKA  
**Letërsi shqiptare**  
Këshilltar editorial  
**Dr. Luan Topçiu**  
Reçensent: **Skënder Zogaj**  
Lektor: **Bexhat Rexha**  
Korektor: **Remzi Limani**  
Ballina: **Laura Rushani**  
Redaktura artistike: **Amanda Edit**

\*\*\*\*\*

*Ky libër del në dritë në Bukuresht, në bashkëpunim me Bashkësinë Kulturore të Shqiptarëve të Rumanisë*

***Descrierea CIP a Bibliotecii Naționale a României***

**LULAJ, NEKI**

**Bukuri e bekuar / Neki Lulaj ; pref.: Hasan Qyqalla. –**

Sinaia : Amanda Edit, 2012  
**ISBN 978-606-8041-53-7**  
I. Qyqalla, Hasan (pref.)821.18-1

**Neki Lulaj**  
(Poezi – Gedichte)  
Redaktor: **Baki Ymeri**

\*\*\*

Parathënia:  
**Hasan Qyqalla**  
**Amanda Edit / Verlag**  
Bukuresht (2012) București

## **ZËRI I ZEMRËS DHE SHPIRTI I FJALËS**

**Neki Lulaj** i jep prioritet substancës poetike, afshit të dashurisë dhe sentimentit që përfaqëson zërin e zemrës dhe shpirtin e fjalës. Ai e ndjen veten të degdisur në mesnatë, duke parë se si biejnë yje dhe pëshpëritje nga qielli, fjalë të ëmbla dhe loti i heshtjes që të shoqëron. Shpirti i tij noton nëpër yje, duke tentuar ta prekë diellin e hënën dhe qiellin. Dhe, kur dielli lind, shpirti i tij shndërrohet në det dashurie me reze shkëlqimtare dhe afshin e zjarrtë të përmallimit ndaj atdheut dhe bijve të shqipes që derdhën gjak për ta bërë Shqipërinë Shqipëri. Neki Lulaj është poeti i lirisë, skulptor fjalësh dhe mjeshtër i artit poetik, i ngarkuar me meditime filozofike, ëndërrime, fluturime, përjetime të ëmbla e të dhimbshme, dhe, siç thekson Hasan Qyqalla, vargu i tij ka një përmbajtje të lartë artistike dhe një ndjeshmëri të thellë ku reflektohet realiteti i shqiptarizmit në Kosovë dhe Diasporë. Libër i mirë është ai që na e kultivon shpirtin duke na pajisur me mendime e ndjenja të bukura. Frymëzimi buron nga syri magjik, gjaku i dashurisë dhe zëri i zemrës. Në këtë vëllim defilojnë emocioni, dhembja dhe ballafaqimi me realitetin. Poeti shëmbëllen me ushtarin, me famullitarin apo me flamurtarin e batalionit. Lirika e Neki Lulajt është një forcë e gjallë e vitalitetit shqiptar me tingujt e gjallë të shqiptarizmit në diasporë: “Nëpër furtunën e detit/ Të lundrojmë së bashku/ Të dalim buzë Kepit/ Të Shpresës së Mirë/ Për ta ngritur Kalanë.” Ai dëshmon se e ka përvetësuar historinë dhe e ka ndjerë gjuhën shqipe si një xeherore të florinjte për të krijuar vlera të reja. Poeti është mbret që e kupton letërsinë si një ansambël meditimesh sociale, patriotike dhe filozofike, që ta përkujton Kantin e dikurshëm, i cili e kundronte kulturën si një gjeometri ku zotëronte teoria e tij si një metaforë e kohës, hapsirës dhe mjeteve tjera për rumbullakësimin e jetës, një kushtrim i bekuar që të fton ta dinamizosh duke rendur në hap me të dhe me evoluimin e saj. **(Baki Ymeri)**

*Në vend të parathënies*

## **PËRSIATJE EMOCIONALE POETIKE**

**Në** ligjërimin poetik të Neki Lulajt gjejmë një shtrirje të pakushtëzuar, gjithnjë në kërkim të tematikës harmonizuese e të konsoliduar poetikisht. Pamja e parë na jep një shfaqje deshifrimi shpirtëror dhe emocional, konvertuar me simbolikën e bukurisë, duke u nisur nga mitet e deri tek e sotmja. Poeti pikësëçari i jep prioritet atdheut, gjegjësisht kombëtares. Subjektivizimi ka vlera funksionale që tejkalojnë, ndoshta, edhe konturet e barasvlerës apo nivelizimit real në kohë. Si ilustrim kemi poezinë e parë “Lulet e shpirtit” që tingëllon po kaq bukur: Portretin e Atdheut/ Ta ruajmë në zemër/ Ta stolisim me ngjyra/ Duke shtuar bukurinë/ Me buzëqeshje...

Stilizim, ngjyrim, konfigurim, buzëqeshje, lot, oazë, thesare,...etj., janë elemente që hasim të konsoliduara prapshëm në stilin e ligjërit. Në prapaskenë të krijesit sikur na shfaqet një autor tjetër me imazhe riakumuluese shpirtërore e mendore, me ideale të ringjallura, falë kujtesës në retrospektivë kur kujton karvanet e ikjes. Prandaj shprehet në mënyrë sentimentale gjithë dënësje, përsiatje drejt mirësisë e shpresëbesimit se mbi çdo cep Arbërie do të lulëzojnë shekuj drite: “Në shekuj drite/ Me mall e dashuri/ E ushqyem jetën/ E kurrë s’u ndalëm/ Me fijet e jetës/ Duke i përcjellë/ Gjeneratat/ Një për stinë.”

Poeti betohet dhe mishërohet krenarisht në kopshtin e bukurisë së Adamit e të Evës, për “Formulën e pagëzimit” të Pal Engjëllit, “Mesharin” e Gjon Buzukut, shpatën e Kastriotit, Flamurin e Ismail bej Vlorës, Gjuhën e ëmbël të Fishtës, Besë e Kanun, mirësinë e Nënë Terezës, urtinë Rugoviane, gjakun e varret e të parëve, deri tek trimëritë e sakrificat e luftës së lavdishme të Kosovës me komandantët Ahmet Krasniqi, Sali Çekaj, Tahir Zemaj, Adem Jashari, Zahir Pajaziti, Agim Ramadani etj., pa i harruar edhe të pagjeturit e shumtë, nisë nga Ukshin Hoti e deri tek foshnja e sapo lindur ne arenën e betejave të përgjakshme e të pamëshirëshme, ku autori citon se Nënën, motrat, vëllëzërit e fëmijët presin zgjuar e “portat ende rrijnë hapur, në pritje”, “Derën e kullës dardane lënë hapur/ Duke shpresuar/ Se një natë/ Do të kthehet Ylberi.”

Konceptualiteti ligjërues mbivlerëson apo hiperbolizon kombëtares karshi ndjeshmëris emocionale që shfaqet toleruese në krijimatinë artistike. Nuk ka ekzagjirime të theksuara por mirë të ilustruara me harmoni ngjyrimesh e gjithësesi përfillëse. Autori dallon personazhet në vijueshmërinë bazike bilineare me kontraste të bollshme, bile shpërthyes mes atyre negative e pozitive, duke l dhënë përparësi sublimes kundrejt të shëmtuarës, ideale përballë surreales, etj.: “Mjerë nëna n’jetë që lindi/ Mjerë dielli që i dha dritë,/ Mjerë vendlindja që e rriti,/ Horr a pleshtë i pashpirtë!”

Rrjedhimisht , pikënisje gjejmë përjetimet e vetë autorit në zhvillimet koherente, pa lënë anash edhe ndikimet e frytshme nga Rilindësit në situata të apostrofuara, si mërgimi, malli për kryepersonazhet e jetës: Nënë e Babain, pastaj për Kullën, Atdheun, Diellin, Lirinë, Lulen, dashurinë që krijojnë një “gjerdan artistik”, siç thot edhe vetë poeti: “E nga goja burojnë/ Metaforat e urta/ Urtakët / Terrin e zbusin me fjalë/ Diellin e kanë në buzë/ Vargun e kthejnë/ Në hymn e ninullë.”

Autori ilustron bukur edhe kopshtin, pemishten, fushën, malin, lumin... Përndryshe nxjerrë peizazhe idilike për Atdheun, me theks të veçantë për Dukagjinin e Lekës përkatësisht vendlindjen e vet, pa harruar trimërinë, bujarinë, mikpritjen, kullën, oxhakun, pra bujarinë dhe fisnikërinë tradicionale: “Bukë misri/ Në çerep/ Kripë deti/ Djathë delesh/ E kajmak/.../ Kafe të pjekur/ Prej oxhakut/.../ Parodi e rrallë/ Mikpritje shqiptari.”

Prandaj rezymojmë lirisht se zt. Neki Lulaj, posedon gjuhë komunikative me figura të kapshme letrare poetike. Në lirikën e tij dominon stili funksional, relativ, mbretëron individualiteti i nxjerrë si ekspozë çasti, drejt synimit të së moderuarës së avansuar, mbase autori, ma merr mendja se është mirë të heqë dorë nga zgjatimet e tepruara, modalitet i panevojshëm... Përndryshe, Neki Lulaj krijon relacione të ngushta me lexuesin pasionant, i cili do të bindet vetëm atëherë kur do ta shfletojë poetikën e tij që të josh që në lekturim të parë. (

**Hasan Qyqalla)**  
**Syri magjik**

***LULET E SHPIRTIT***

Portretin e Atdheut  
Ta ruajmë në zemër  
Ta stolisim me ngjyra  
Duke shtuar bukurinë  
Me buzëqeshje...  
Për thesarët e praruar  
Në folenë e tij  
Të shkrihemi  
Në grykë krateri  
Me guxim e trimëri  
Ta mbrojmë  
Atë bukuri  
Të rrallë...  
Ta shkrijmë  
Me pika loti  
Çelikun  
E me shkëndijat  
E gjakut të bekuar  
T'i ujisim  
Lulet e shpirtit.

***SHEKUJ DRITE***

Në shekuj drite  
Me mall e dashuri  
E ushqyem jetën  
E kurrë s'u ndalëm  
Me fijet e jetës

Duke i përcjellë  
Gjeneratat  
Nëpër stinë.  
E kurrë s'u ndalëm  
Kush e përjetoi  
Me gjatë se ne  
Gjerdanin e vuajtjeve  
Kush endi  
Fijet e ngatërruara  
Të jetës  
Nëpër mote  
E shekuj.  
E kurrë s'u ndalëm  
Vetëm për këtë  
Durim të pandalshëm  
Në e deshëm jetën  
Marrëzisht  
U dashuruam në Ty  
Duke të përkdhelur  
Zemrën e shpirtin  
Ta falëm!

### ***KRENARIA***

Krenaria nuk djeg  
Shpirtin bujar  
Mëton stinët  
Dimrin e tërbuar  
Me furtunë e acar  
E kthen në pranverë  
Me lule behar.

Me lulet e shpirtit  
Jeta bëhet  
Herë tunel pa drita  
E herë  
Kanal i thellë  
Herë lendenë me  
Lule mijëra ngjyrash  
E herë shend e verë  
Dhe parajsë.  
Shpërthimin  
E ndjenjave të shpirtit  
Krenaria e mban gjallë  
Kurrë s'i kam mallkuar stinët  
Se ato me vete bartin  
Koloritin e jetës  
Melodinë e këngës  
Cicërrimën e zogjëve shtegtarë  
mallin e (pa)thyer  
ngjarje ditari.  
Shtjellën e shpirtit  
Krenaria mban gjallë  
Kullat kanë ruajtur  
Besë nam e fjalë  
Kalatë e dijes  
Bedenat e shekujve  
Baladat e thurrura  
Vetëtimë për mjeranë  
Halë për tiranë.  
Lulet e shpirtit  
Krenaria i mban gjallë



Stinët dinë ta shërojnë  
Shpirtin e djegur  
Nëpër kohë të krisura  
për mote në breza.



### ***JAM***

Jam në vendlindje  
Në parajsën e shpirtit  
Nën ret' e Dukagjinit  
Mbi Yllin e Kurbinit  
Krenar  
Jam ñmes aromë lulesh  
Ku dikur mora hapin  
Ñmes dy varreve  
Më të dashurve  
Që jetim më lanë  
I gjorë por krenar.  
Eci mbi këtë tokë të bekuar  
Dekada jete qeparisa e lule  
Që t'i nderoj të dashurit  
Zemër e lule së bashku  
Bukuri e bekuar.  
Vargu ma këput shpirtin

Fjala më ngel në fyt  
Puth tokën e fëmijërisë  
Brumin e shpirtit o mik  
Krenari e dehur  
Me ngazëllimin e miqësisë.  
Me mall nga mërgimi  
Fjalët janë lule shpirti pa aromë  
Gotën plot Dhe mora  
Ta ruaj me fanatizëm  
Në muzeun e Krenarisë.

### ***TRUP I PLAGOSUR***

Trupi plot plagë  
Trungu gjithë varrë  
Shtatdhjetë e shtatë plumba  
Në shtat' shtete ndarë  
Me barot e shpatë  
Fshehtas na helmuan  
Trojet na i coptuan  
Ujqit e uritur  
Turq sllav e barbarë  
Toka jonë i mallkoi  
Këta mercenarë.  
Thelbi i fortë na mbet  
Kush s`mundi me e tretë  
Fjala rrasë prej ari  
Sa planeti më i madh  
Trupi kullon gjak  
Besa me rreze u përflak  
Askush në botë s'pat

Këtë fat  
Ne kur u betuam  
Nga hiri u zgjuam  
Dhe kurrë s'u dorëzuam.  
Thelbi i fortë na mbet  
Kush smundi të tretë.

### ***KAH DIELLI***

Në mesditën e grisur  
Kah dielli notojnë  
Shpresat e varura  
Mbi gravurën antike  
Në fluturim  
E përbuzëm kotësinë  
Epokës së netëve pa gjumë  
Morrnicat e trupit  
Qarkullojnë  
Si vagonat pa lokomotivë  
Mbi hekurudhë.  
Nga etja kemi vuajtur  
Me shekuj  
Besa shpesh motrat  
E nuset dhe nënat tona  
Për të mos rënë  
Në kthetrat e turkut e sllavit  
Janë hedhur në greminë  
E ne padashas  
Jemi mbytur edhe në cekëtinë...  
Padrejtësitë na patën kapluar  
Edhe mjegullat mbi kalanicë

Ata na ndanë përgjysmë  
Bile edhe buzët e thara i njomëm  
Kur e puthëm pavdekësinë...

### ***GURGULLIMË LUMI***

Gurgullon lumi i harlisur  
Kur e shkrin dëbora sevdanë  
Vala e ëmbël e puth stomin  
I lanë brigjet etjen ua thanë  
Mrekulli e pa parë  
E dashurisë së parë...  
Lumi shuan etjen e verës  
Uji bëhet burimi i jetës  
Shqiponja në qiellin e lartë  
Bën roje nderi mbi atdhetarët  
Bukuri mbi krahët e shpresës  
Dielli bëhet burim i dritës...  
Epshtet e zjarrit ia kallën rinisë  
Ëndrrat e pa shaluara  
Mbi qerren me rrota prej druri  
Ngarkohen shpresat e dashurisë  
Romantike, platoniane...  
Në mes ahishtes së kësaj bukurie  
Dallëndyshja ndërton folenë  
Qeparisë e lule të bukura  
Fjala e bukur zbukuron Atdheun.  
Mbi kullat shekullore të gurit  
Shpeshherë pa asnjë kokërr misri  
Lejleku soditë me dylbi  
Folesë së shqipeve i thur lavdi...

## ***KRRUTË PLAKU***

Një krrutë e ngulur në mexhde  
Në arën e djerrë  
Një zë që sprau kurrë  
Në memorjen  
E njeriut prej dheut...  
Një shkop plaku  
Me njëqind degëzime  
Me dhjetë dekada  
Me pesë breza nëpër vite...  
Shkop i pa rrëxuar  
Orë xhepi plaku  
Xhamadan me një anë  
Testament që ruan diell e hënë...  
Testament ishte fjala  
Orë xhepi me qystek  
Bakfon, strall, unurë e eshkë  
Cigarallëk i qehlibarit  
Me smollë në bjeshkë...  
Një zë i shtjerrur  
Nga muret e kullës  
Së braktisur  
Bari i rritur  
Mbi shkallët e jetës  
E zogu mbi oxhak  
Këngën kurrë s'e ndalë  
Melodinë duke e shqipëruar  
Me tingujt e pavdekësisë...

## ***NËNA IME***

Nëna ime  
Jemi gjallë e të ndarë  
Jetojmë larg e me mall  
Si dy shpirta të çarë  
Se na ndau largësia  
Pse pse pse  
O moj nëna ime  
Je zvogëluar kaq shumë  
Nga pleqëria  
Jam larg e i tretur  
Në kurbet i mbetur  
Jam tharë e etur  
Për këshillat e mira  
Për përkdheljet tua  
Po vuaj  
Në këtë kohë të krisur  
Më ka marrë malli nënë  
Dhe kam shumë uri  
Për një bukë prej misri  
Kur me duart e arta  
Na gatuje ti bukën  
Që piqej nën saç  
E ngjyshim në lëng  
Mallëngjimi  
E hajshim me djathë  
Kur uleshim rreth sinisë  
Me shijen e kënaqësisë  
Kam një mall në shpirt  
Qe po më rëndon si plumbi

Kur ne veshnim tirqit  
Prej leshi e jo prej zhguni  
Sa shumë gëzoheshim  
Si fëmijë kur ishim të rinj  
Që ende ngelëm të vegjël  
Kur ty të ka rënduar pleqëria  
Shpejtë po ikin vitet  
Ikin degdisen e shuhen  
Po palohen palë-palë  
Si një jargan ëndrrash  
Sa shumë më ka marrë malli  
Për të të parë moj nënë  
Zërin po ta dëgjo  
Shumë rrallë në telefon  
E shpirti më këputet  
Nga mallëngjimi

### ***MUZG MENDIMESH***

Ky muzg si xham i thyer  
Emri ynë në çdo rrashtë  
Ecëm me hapin e thneglës  
Era thau rrobet nëpër tela  
E unë mbusha valixhet plotë  
I vara fjalët nëpër gozhda  
Mendimet m'u pehatën valët

Idetë i murosë si tjegullat  
Fjalët ngacmonin njëra-tjetrën  
Me e pahir (paqëllim)  
I trazonin zogjtë e fjetur  
Buzët plot qumësht nëne  
Flejnë me gjumin e thellë  
Me ëndrrën e barit  
Mbi valët e Lumbardhit  
Shtatzënë sonte  
Nata e qetë bëlbëzon  
E oshtima e lumit më zgjon gjumin  
Qielli është varë nëpër kleka  
E hëna me vello vajzërie  
Më shkel syrin mes degëve  
Më stilizon jetën  
Ekstazë dashurie

### ***YLL I GJITHËSISË***

Ti je  
Fati im i madh  
Je dielli  
Që kurrë nuk perëndon  
Kurrë nuk harxhon  
Shkëlqim' i arit  
Si engjëll më shoqëron  
Je ylli i gjithësisë  
Që fatin qëndis  
Ditarin e shkruan në rrasa  
Mbi gurë si atëherë Teuta  
Testamentin la.



Hijet i hoqën ata gurë  
Për ta fshehur  
Lashtësinë tonë  
E sa hoqën  
Shkronjat për t'i lexuar  
E sa zjarre u ndezën  
Në flakë t'arit  
Për t'i pruar  
E sot... s'e dimë  
Fatin e Diellit  
Si e patën shkruar

### ***DORËSHKRIMI***

Dorëshkrimet ngelin  
Në Biblotekë  
Nëpër fletët e shkarravitura  
I mbulon pluhuri i harresës  
E miu grimosë në heshtje  
Ndërton strofullën e kujtesës  
Dorëshkrimet digjen  
Nëpër gazeta  
Fjala e bukur  
Qanë me zë  
Bukurinë e fjalës  
Fute në libër që  
Muzat të këndojnë  
Kur fjalët vallëzojnë  
Dorëshkrimin e hedhur  
Mbi fletore  
Ma kishte grabitur  
Zogu sqep bardhë  
Fjalët lidhi në libër  
E me të botoje  
Përmbledhjen e parë  
Sot në Bibliotekën  
E sentimenteve kombëtare  
Dorëshkrim' i dikurshëm  
U bë „Meshar“  
I kënaq lexuesit  
E studiuseit  
Me historinë  
E vargut të parë

## ***FAQET E JETËS***

Ika në kohë te vranët

Të lashë

Si re pllumbi

Plotë shi

Vetëtimat bubullimat

Më ndoqën deri në kufi.

Faqet e jetës

Furtunat copëtuan

E cicërimat e zogjëve pas

Na thanë ku po shkoni

Gurët mos i merrni

Kullave mos u veni saç.

Faqet e jetës

Furtuna i preu

Ika i vetëm

Mbi kalin e bardhë

Nga lartë shiqova fushat

Mijëra thika

Mijëra plagë

Atdheu im pat marrë.

Faqet e jetës

Furtunat na i dogjën

Ikëm dikurë

Siç ikin zogjtë shtegtarë

Me trup të plagosur

Zemër helm pa fjalë

E shpirt të latuar

Deri në kockë

U betuam në vatër

Se një ditë  
Do kthehemi si fitimtarë.

### ***NGJYRË YLBERI***

Kërkova dashurinë  
Mbi ngjyrat e ylberit te verës  
Nje zë jehoi nga lugu  
M' erdhi në befasi  
Kërkoje ore i bekuar fatin  
Gjatë gjithë stinëve të jetës  
Gjurmo mrekullinë!  
Si një mister më gjeti  
Në Univers  
Në vallen e yjeve  
Se lëvizja e kohës nuk ekziston  
E dashurin e gjeta  
Ate që unë dhe ajo e kërkuam  
Shtrati i lumit më të bukur  
Sërish na bashkon.  
E bukura u duk dikund  
Si në përrallat e eklipsës  
Rrugët e kërkimit u shkurtuan  
Mbi rrasat e gurit gjelbëruan  
Lulet e kripës u shumëzuan  
Trashëgimin dhuruan.

### ***BUKURI E BEKUAR***

Plisi i bardhë  
Bukuri e bekuar  
Sa gjysëm globi  
I vjetër  
Dymijë vjeçar  
Durimi

Më bën nderë  
Plisi i bardhë  
Mbi kokë dëshmon  
Se jemi bij shqipesh  
Të rrahur nga erërat  
Pa u dorëzuar kurrë  
Plisi i bardhë majë malesh  
Në krahëror zemër të zjarrtë  
Në shpirt prush e flakë  
Llavë e pa tharë  
Kala me mure pa myshk  
Kurrë mendimi nuk na u ndryshk



### ***NUK DUA***

Nuk dua  
Të rri larg teje  
Të duroj më gjatë  
Veset e botës lavire...  
E mor qyqarë  
Nuk dua të jem  
Si hije e netëve pa gjumë  
Larg bebzave tuaja të përlotura  
Aurorë në qiellin e pa fund.  
Këtu dua të jem  
Urë që lidh dy brigje  
Digë që mbyll shtigje  
Ofshamë e dashurisë me kanun

Në vendin tim.

Dua të jem pranë teje

Edhe kur ke gëzim

Edhe kur të rrjedhin lotët si lumë

Tradhtia është lakmi e verbër

Në kotarin e qyqarëve

Pa besë pa ligj pa kanun.

### ***MALL ZEMRE***



Të shtrihem  
Të rinohem  
Të çmallem  
Të mrekullohem  
Me dritën e Parajsës  
Në zemrën e Atdheut  
Të lirë  
Atje ëmbël  
Të shijoj  
Në pararojë  
Gjumin e natës  
Si mburojë  
Të përkujtoj  
Qumshtin e nanës  
Dhe nektarin e dli­rë  
Në qetësinë  
E heshtjes  
T'më freskojë  
Flladvesa e agimit  
Atje t'më prarojë  
Rrezja e parë e diellit  
Të përkujtoj  
“Bagëtinë e Bujqësinë”  
E Naimit  
Të dëgjoj  
Dhembjen e kohës  
Së krisur

Me gjëmën  
E moteve të mykura  
Që lëshon toka mëmë.  
Të kujtoj me mall  
Mjeshtërit  
Që thurrën muranë  
Në qiellin e lartë  
Dhe kafazin e ëndrrave  
Me përrallat e gjysheve  
Dhe gjuhën e zjarrtë.  
Bisedat e miqëve n'oda guri  
Krismë pushke  
E këngë dasmash  
Mbrëmjeve të vona  
Kur iu shtua  
Edhe një shtyllë  
Aradhave tona.  
Do të çmallem  
Me valle shqiponjash  
Si në ditët e rinisë  
Kur dëshirat  
Rriteshin si lumi  
E barinjtë e kombit  
Ishin bërë digë bashkimi  
Të mbarë shqiptarisë.

### ***ËNDËRRIME***

Cila ëndërr freskon  
Dashurinë e fjetur  
Cila ndjenjë shuan  
Mallin e djegur  
Dhe etjen e tretur.  
Me cilën nxehtësi vullkanike  
Me cilin afsh të levarashtë  
Derdhet vërshimi i parë  
Kur dy të rinjë puthen  
Mbi shtratin e shtruar  
Me zjarrin  
E shpirtit të trazuar.  
Cila krijesë e mbarë  
Ec mbi ishullin futurist  
Me pishë në dorë  
Dhe qan e qesh  
Me lotin tim  
Të kopjoj  
Adamin e Evën  
Duke ua grabitur  
Mollën e artë  
Mbi letrën e mbretit  
T'ua nënshkruajë

Pavdekësinë e petritit  
Dhe përjetësinë e poetit.

## **LULET E KURBETIT**

### ***ERA***

Erërat pehatin  
Mendimet e mia  
Si pemët  
E pjekura të vjeshtës  
Të varura mbi trungun  
E kohës në kalvarë.  
Toka kurrë  
Kurrë nuk i tretë  
Plisat e bardhë  
Eshtrat e bijve t' Arbërit  
Mbi lapsin e gjatë  
Të vuajtjeve shekullore  
Nëpër kalvarë.  
Universi numëron  
Yjet e qiellit  
Aq të panumërt  
Sa edhe nënat tona  
Që lindin foshnje  
Mbi Rrugën e Qumshit.  
Notoj mbi univers  
Mendimet fluturojnë  
Më shoqërojnë  
Fatamorganat  
E diellin dua ta huazoj  
Për Dardaninë e Zanat  
E pamundur  
Të prek me dorë  
Atë vullkan të zjarrtë  
Mbi qiellin e kaltërt  
Kthej në drekë gëzimi  
Për miqtë e shpirtit  
Me zemrat shqiptare  
Të bijve të Krishtit.  
Aurorat ikën  
Me kororë magjike  
Me dymbëdhjetë  
Pelerinat engjëjllore  
Çapëluan  
Mbi hënën time  
Të ngarkuar  
Mbas shpine  
Me dymbëdhjetë

Dosjet  
E hirit biblik.

### ***JAM NDRYDHUR***

Jam ndrydhur  
Si këmbët e futura në çizmet  
E ushtarit pa numër  
Duke vrapuar pas emrit  
Në marshin e pafund.  
Kurrë nuk kam ndjerë lodhje  
Duke gjurmuar historinë  
E padrejtësive shekullore  
Dhe baladat e trimave  
Në qeli dhe llogore.  
Më kanë bekuar engjëjt  
Më ka pjekur Dielli  
Për qëndrimin stoik  
Zjarrin e ndezur të zemrave  
Ku u ngrohën bijt' e kombit besnik.  
Si shtegtar kalova mes shtigjeve  
Me kokën time kalistrok  
Gardhiqet e thurrura të tradhtisë  
Me ta kurrë s'u kumarova  
Kurrë në konakun e nderit s'i prita.

### ***M'I TUBONI ESHTRAT***

Mbi krahun e pëllumbit



Plaga kullon gjak  
Helm  
E pëllumbi nuk gjëmon  
Nuk rënkon  
Ai prap pëllumb mbetë.  
Djegë plaga  
Si magmë zhavorri  
Heshtja shëron  
Me puthjet e erës  
Diçka po lindë  
Po agon.  
M'i tuboni eshtrat  
Rrugëve të ngushta  
Për t'i zenë të gjitha fjalët shqip  
Anijet që lundrojnë kënde  
T'i bartin eshtrat  
Që me ta  
Ta shkruni fjalën shqip:  
Liri...

### ***ZANORE KOHE***

Zjarri zhvesh drurin  
Lakuriq  
E prushi all mbi  
Tangar  
Buzë t'i ndezë

Unë s'jam zanore kohe

Por tym e bajrak.

Hëna sonte tokës

Ja praron kufijtë

Ne të dalurit nga

shkopi i dhunës

Vjelim ëndërrat

Si beqarë...

Mbi fije bari shkëlqim

E myshku në lis

Ka hapur ombrellën

Shiut i bën sehirë,

Bari kërkon ujë

E në vendin tim

Të bekuar

Dashuria ka shtëpinë.

### ***TË PRITA***

Të prita në udhëkryqin e legjendave

Jo si Kleopartën mashtruese.

Me fanarin e ndezur të shpresave

Me pallton time të grisur deri mbi llërë

Nga të ftohtit u ngri fjala e pathënë

Ku je Shpirti im!

Vonesa jote më bëri akull

Murlani frynte pa u ndalë.

Kur terri qasej frika shtohej

Si mure kalashë arsyeja e pritjes

E priste Heraklin ta hapë rrugën

E dashurisë...

Eja si drita me rrezet e diellit

Të pranverës ekstazë

Shih si puthen agimet e ndezura

Duke e shkrirë akullin e Grenlandit

Në dasmën e bashkimit të parë.

Mbi Devenë e Oqeanit  
Odiseun  
E kemi bashkudhëtar  
Nëpër furtunën e detit  
Të lundrojmë s'bashku  
Të dalim buzë Kepit  
Të Shpresës së Mirë  
Për ta ngritur Kalanë.

### ***LULET E KURBETIT***

Kush më zbrazë  
Lotin e mbledhur  
Kush ripërtërinë  
Prushnajën e ndezur  
Kush më fikë  
flakën në shpirtë  
Mos vallë hyjnorët  
Që rrezojnë dritë  
Vera shkund mallin  
Me lotin tim  
Po more po  
Në atdhe kur kthehem  
Nga ky mërgim  
Jo çju gjej më jo  
Zemra troket kokën  
E ndezur me mendime  
Po ti ku je moj trime  
Kurrë nuk çelin  
Lulet e kurbetit  
Pa mallëngjime  
Rrugët e qeshura  
Më dalin përpara  
Zogjtë shtegtarë  
Me flatra t' bardha  
Nuk më pret më Nëna  
As prushnaja as Baba!

### ***BUZËQESHJE E NGRIRË***

T'u ngri buzeqeshja Imzot  
Ditët t'i ngurtësoi epoka  
Gjeniu mendjendritur  
U shkri si qiriri, flalkadani  
Zjarr i qiellit që na shndrit

Si drit' e diellit  
Fjala e parë dhe e fundit  
Ishte barrë e rëndë mbi supe  
Kurrë nuk luhatet qëndrimi  
Para rebeshit të kohës  
Milionat lutje e dëshira  
Të këputen zinxhirët e robërisë  
Vuajtje nëpër mote  
Botës nuk i falen mëkatet  
Nga lutjet dhe uratat  
Pa u përpjekur njerëzia  
Zoti nuk bën mrekullira  
Imzot pusho i qetë  
Mojsiu i betejave shekullore  
Vepra e djersa jote  
Mrekulli e kësaj bote  
Nga nëntoka e shenjtëruar  
Deri në qiellin e praruar  
Shpirti yt peng i flakëruar  
Krenari e kësaj bote  
Misionar i paharruar fjala jote  
Themel i sovranitetit tonë

### ***MBI KËTË***

Hënë e stolisur nuse e praruar  
Ngjyrë ari kulluar - Ilirida

Mijëra ëndërra e vargje  
Si xhevahirët mbi bari  
Për ty i kanë qëndisur  
Shqiponja mbi Dardani  
Tjetra mbi Çamëri  
Kthetrat mbi Mitrovicë  
Ulqin e Plavë dhe Guci  
Zemrat nga Janina  
Me Tiranën në zemër  
E Prishtinën në shokë  
Me Njishin\* në kokë  
Drini pëqafon Bunën  
Ibri puthë Erenikun  
Lumbardhi ledhaton Shkodrën  
E Alpet shqiptare  
Me Radikën e Sharrin  
Bajgora përshëndet Korabin  
Mëngjesi rritë shtatin  
Dielli derdh rreze mbi ballë  
Një rigë shiu mbi Autostradë  
E ringjall Dr. Ibrahim Rugovën  
Me një shkop e një letër te bardhë  
Blerimit ia shtojnë bukurinë  
Vellore e nusërisë Dardane  
Tokë e dete dhe male e lumenj  
Dhuratë e bekuar e Perëndisë

Për zbukurimin e shqiptarisë

*\*Njishi-qyteti i sotëm i sërbizuar "Nish"*

### **HAPI IM**

Hapi im rrugëve të botës  
Ballkona të panjohur  
Në qytetin e huaj  
Erozion zemre  
Ndrydhje shpirti  
Si kokrra ulliri  
E kokrra misri  
Që vërtiten  
Nën rrotë mulliri  
Për tu bërë blojë....  
Ngjyrë e papikturuar  
Piketim/kunjëzim/hapi im  
Pikturë e pa ngjyrë, lulet e kurbetit  
Me lot në kornizën e qëndisur  
Me bujashka shpirti  
E plasaritur si buzët e shkrumbuara  
E qëndisur me fjalë malli  
Për mërgimtarë.  
Heshtja ime pikon  
Mmbi trupin e shtangur  
Të asgjësisë, askund s'ë dëgjoj  
Zërin e Niçes, ngjyrën e fjalës  
Së Serembes. zërin e zemrës  
Së trëndafilut:  
Mirë se ke adhur  
Drumtar i rrugës,  
Urdhëro!

### **SI MOS T'JU URREJ**

Si mos t'ju urrej  
Ore torrollakë  
Kur në portë na trokitët  
Na u shtirët si lypsarë  
Zhelamanë e varfënjakë  
Gjakpirës pa gjak  
Që na u bëtë bajraktarë!  
E ne ju ndihmuam  
Si shiu tokën  
Si dielli botën  
Si qielli që shëndrit detin  
Kurse ju u shtirët si „miq“  
Meduzat e ishujve të Mërisë.  
Shpejtë e tregut vetvehten

Se në majë të gjuhës  
Ju mbajtet helmet  
E gjarpërinjve të gjakut  
Për ata që ju dhanë bukën  
Fjalën besën dhe nderën.  
U ndamë  
Siç ndahen dy botëra  
Një botë engjëjsh  
Që dhurojnë  
Dhe tjetra e xhindosur  
Që gllabëron.  
Shporruni ore të marrë  
Kurrë nuk jua falim fajet  
Gjakpirës gjaksorë mëkatarë  
Nuk shuhet urrejtja  
Pa u shtjerrë Buna  
E Valbona pa u tharë.  
As toka as lumi  
As fusha as ajri  
As kripa as buka  
As fjala as besa  
As të vdekurit  
As të gjallët  
Kurrë nuk do ta  
Shuajnë urrejtjen  
Për gjakpirësit  
E gjakut shqiptar.

### ***KONTRAST***

Kam kënaqësinë tënde  
Ndjej krenari nga ky ajër  
Zërin kur ta dëgjoj  
Konstatoj  
Se kontrasti nuk është plak  
E largësia na ndanë  
Kam frikë mos gaboj  
Moisiu im urtak!  
Më tremb  
Rruga e gjatë  
Mbi llavën e mjegullës  
Mbi shtratin e lumit  
Mbi amfiteatrin e kohës  
Spërkatur me stërkala lotësh  
Dhe me mykun e harresës  
Jetës nuk i bëre lak.  
Ndjehem sërish  
Rob i lapsit të shkollarit  
Armë drite mbi faqen e bardhë  
Ngadhnjimitar para stuhive

Si legjendë e gjallë  
Gjallëron e gjeneron  
Në situatat koherente  
Moisiu im fjalë pakë!  
Baltën e bardhë  
Mbi zemrat e zeza  
Gjeneratorë mëkatesh  
Që atentatin e fjalëve  
E kanë ajër të ndotur  
Që vjell ligësi  
Si oxhaku i dëshprimit  
Duke shkundur  
Nga supet e vetullave  
Baltën e mërisë së zezë.  
Erdhe nga zemrat  
Në lagjën shekullore  
Bulevardeve të qiellit  
Mënjatë shndrit mirësia  
Në anën tjetër  
Shtrihet dinakëria  
Moisiu i strukur  
Në gëzhojën e qëndresës  
Heshtjen e engjëllit  
E pat flori  
Dhe veprën e bëri art.

### ***LIS SHEKULLI***

Shekulli e mbëltoi lisin  
Duke ikur  
Dhe e ujiti  
Me lotin e dëshprimeve  
Mbi lëmashkun e urrejtjes  
Me frymëmarrjen e vuajtjeve.  
E lisi i urrejtjes  
Homofobike  
Mëria  
Ndaj të tjerëve  
Ka rritur shtatin  
E xhelozisë  
Deri mbi qiell  
E hijen e ka lëshuar  
Aq të madhe  
Dhe aq të gjerë.  
Zogut hyjnor  
I duhet  
Një shekull drite  
Me bekime biblike



Që të kalojë  
Në anën tjetër të planetit  
Për ta zbutur urrejtjen  
E këtyre dekadave  
Të strukura në kotarin  
E mijëvjeçarit të dashurisë.

### ***TRUP I PLAGOSUR***

Trupi plot me plagë  
Trungu ynë i ngratë  
Shtatdhjetë e shtatë plagë  
Në shtat' shtete i ndarë  
Me barot e shpatë  
Fshehtas na helmuan  
Trojet na i coptuan  
Ujqit e uritur  
Turq e sllav dhe barbarë  
Toka jonë i mallkoi  
Këta mercenarë.  
Thelbi i fortë na mbet  
Kush s`mundi me e tretë  
Fjala rrasë prej ari  
Sa planeti më i madh  
Trupi kullon gjak  
Besa me rreze u përflak  
Askush në botë s'e pat  
Këtë fat  
Ne kur u betuam  
Nga hiri u zgjuam

Dhe kurrë s'u dorëzuam.

Thelbi i fortë na mbet

Kush smundi me e tretë..

### ***MENDIME***

Fjalët më shpërdohen në buzë  
s'jam më ai që isha dikurë  
Kur më sulmonin  
Mendimet breshëri  
I përbuzur i përndjekur  
I nënçmuar  
Nuk jam më i përmbysur  
Si anije e mbytur n'ujë.  
Të pabërën se bëj dot  
Fatkeqësitë nuk i dëshiroj  
Askujt  
Tradhëtinë si fal askujt  
Trëndafilat ujis  
Me ujin e bekuar  
Vendlindjen e kam lot dashurie  
Gjumoj e zgjohem me të  
Si nëna me foshnjën në gjë  
Që ka hyjni...

### ***LIQE I NATYRËS***

Liqe i zbukuruar  
Qiejt mbi ty bëjnë roje  
Engjujt shuajnë etjen  
E në fluturim shijojnë embëlsinë  
Tokë dhuratë perëndie  
Për shijet njerëzore  
Pyjet me gjolë liqeni e prekën  
Pendën tënde  
Lakove rimën e vargun  
E na le kujtim  
Aromën e moteve.  
Dielli puth sipërfaqen  
Vala formon kurorë  
Ballin bregut i lagë  
Begatinë mbajë në gjë  
Lasgushin kërkoj n'vargje  
Metaforash  
Himne poetike.  
Nën pallton e tij  
Futem pa drojë  
Dëgjoj tik – takun e zemrës

Tik – takun e orës në tavolinë  
Në xhepin e palltos së tij  
Fshihet Vallja e Yjeve  
Që shëndrit Manastirin  
Bukureshtin Gracin Pogradecin  
Djepin e frymëzimeve burrërore.  
Porsi bleta që i gëzohet lules  
Lasgushi ecte me dritën e ndezur  
Të fjalëve  
U kthehej fletëve të frymëzimit  
Plotë gjethe  
Duke u dhuruar bisqe degëve  
Që sapo kanë filluar jetën.  
Vala puthte qiellin si n'pasqyrë  
E dëshirat i ndeznin  
Dritat e shpresës  
Dashuria e ngrënte shpirtin peshë  
Duke ia dhuruar poetit  
Dritën e frymëzimit hyjnor.



### ***ORTEK BORE***

Heroinës së dëborës  
Moti i trazuar i hyri borxh  
Duke i zgjuar  
Gjumin e lehtë të foshnjërisë  
Orteku i natyrës pa mëshirë  
Xhelat i veshur me rroba të zeza  
Ia morën të dy prindërit  
Me të dashur Amserës.  
Ëndrrat e fëmijërisë sime  
Të ndrydhura  
Nën ortekun e dëborës  
Në gjumin e parë  
Nëna babai vëllai ikën  
Me heshtjen e dhunshme  
Pa ia lënë  
Lamtumirën foshnjës.

Bardhësinë e mijëra fluturave  
E lulet e bardha  
Gjithmonë  
Në vazo dekori i ekspozoi  
E borën e bardhë  
Nga dritarja e kopshtit  
Vështroi a imagjinoi  
Dhe ndarjen nga më të dashurit  
Kurrë në këtë moshë  
Nuk e paramendoj.  
Jam engjëllushë  
(flet voglushja)  
Që do më mungojë  
Nëpër shkallët e jetës  
Drita e dashurisë:  
Përkdhelja e nënës  
Këshilla e babës  
Edhe përralla e nënlokes.  
Jam heroinë e dëborës  
Amsera pesë vjeçare  
E ngelur bonjake e kohës  
S' di kush do më blejë  
Rrobet e modës  
Kush do m' dhurojë  
Çantën me librat e shkollës  
Kur do t'më vijë vëllau i motrës  
Apo 11 shkurti ishte lufta e borës?

### ***TESTAMENTI***

Mbi rërën e Bunës  
Të larë që pesë shekuj  
Testamentin e kërkoi.  
Terë natën  
Eca nëpër pyje pa moshë  
Jeta na rrodhi si lëmsh  
Nëpër muret e zemrës  
Nëpër rrudhat e shpirtit  
Arkeologjin gjurmoj  
Gjumin e bëra  
Në gjëmadhat e shpirtit  
Nën hijen e braktisjes  
Testamentin e kërkoi  
Dheut i mora erën  
Tokës i qepa plagët  
Të gjitha nuk munda  
Trojet t'i bashkoj  
Testamentin ta zbuloj  
Uji vesh gurin me lëmashek  
Gërsheta flokësh të gjelbërta

Mbulojnë testamentin e kohës  
Në ballin e gjithësisë  
Dielli rreze eklipse lëshon.

### ***RRAHJE KOHËRASH***

Më rrahën  
Fortunat e kohërave  
Si dëbor' e shkurtit  
E egër shtërngat  
Në Kosovë e në veri  
Fryn murlani me stuhi  
Si në kohën e Gjergjit të ri.  
Mijëra flutura  
Të bardha të mërdhira  
Nga ky acar  
Ma puthin fytyrën  
E mbi vetullat e trasha  
E gjejnë ngrohtësinë  
E motit të madh  
Në janar.  
Mbusha  
bagazhin e vjetër  
Me margaritarë  
Nuk vlejnë më  
Më përshpëriti Shekulli  
Se moti i mirë  
Ka për të ardhë.

### ***MOS***

Mos ndiq ëndërrat  
Se janë heshtja ime  
I kam fshehur në shpirt  
Herë flasin bashkë  
Herë janë grindavece  
E prap janë tok  
Në shqetësime e gëzime  
Përmo(r)t.

### ***FAJI***

Faji nuk ka moshë

Shtohet si mjegull pylli  
Kur s'e pren askush  
Sopata pa bisht  
Ngulfatet në dushk  
Faji rritet si hija  
Në shtigjet e mëngjesit  
Mund te ngjitet lartë  
Edhe mbi shkallët  
E mjegullës  
Ecë e ecë e ecë  
Me zanoret e jetës

### ***MIKU IM***

Miku im  
Me zemër shkëmbi  
Zinxhir vargënor  
Ag lirie  
Duartë thatë  
E shpirtin plotë  
I kap yjet në gjithësi.  
Kam fuqinë e Atomit  
E në sy Kodin e Davidit  
Mendja e tij  
Shkëndija t'arta  
Gjithë krijuesve  
Ua dhuron  
Metaforën e gëzimit  
Nga largësia e përvuajtur  
Ia lexova përgjërimin  
Zemra e tij ishte frenuar  
Pa u trembur  
Nga kërcnimet  
E një katili  
Kurrë në jetë  
Nuk kam besuar  
Se njeriu ka  
Kaq shumë lot  
Se nga loti  
Vjen vërshimi  
Duke përmbytur fushat  
Me bereqet të bekuar

### ***NJË HERË***

Hipa lartë  
Shkallëve të qiellit  
Për të fjetur në gjithësi  
Hyra mbrenda  
Në bebzë të yllit  
kërkoj bujarinë

E nga Ballkoni  
I qiellit  
E sodis vetminë  
Atje lartë  
Mbi faqet e murit  
Ri krenar  
Duke e gdhendur jetën  
Si skulptori  
Ri i fortë  
Se kam shumë miq  
Me shpirtin skofiar  
Që kanë vlerën e vet  
E zemrat margaritarë

### ***ZËRI I KULLËS***



Mbi themelet e kullës së rrënuar  
Vigjëlojnë kujtime  
Nga mllef i barbarisë shekullore  
Nga nëntoka e eshtrave të patretur  
Nga thellësia e kronologjisë së heshtur  
Toka nxjerrë një zë  
Me tingujt e gjyshit dhe stërgjyshit  
Kthehu biro në truallin e të parëve  
Ropërtij oxhakun e kullës së vjetër  
Se këtu darkuan dikurë  
Thoti e Toti n'odën tonë  
Këtu vështirë ishte  
Por këtu jeta vlonte  
E kulla me frengji kah dielli  
Tymon drejt qielli  
Gjer ne Liri...

### ***GJURMËT***

Nga largësia vëzhgoj  
Fytyrat e buta  
E nga goja burojnë  
Metaforat e urta  
Urtakët  
Terrin e zbusin me fjalë  
Diellin e kanë në buzë  
Vargun e kthejnë  
Në hymn e ninullë

Lozonjarët  
Ikin pa lënë gjurmë  
Mbi gurë  
Myshku i mbulon  
Gjurmët e gishtërinjve  
Të stërgjyshërve tanë  
Që as n'ëndërr  
Ende nuk i pamë

### ***GURI I BEKUAR***

Mbi gurin e strallit  
Gjurmoj arkeologjin e vargut  
(ndoshta të pashkruar)  
Kur të parët tanë ishin këtu  
Si një këngë e murosur  
N'yllin mëngjesor  
Dora tund Rozafën  
E me gjirin e djathtë  
Foshnjës i jep sisë...  
Buna qetë freskkon  
Fushat e blerta  
Tuf' e ëndrrave  
Mite të pathyera  
Gjer në fitore  
Digë e patundur  
Vazalët shkëlqenin  
Me rrobat mëndafshi  
Deti as mallin  
As dritën  
As dashurinë  
S'e ndali

### ***HIJA***

Hija i dha jetë  
U shndërrua në ngjyrë  
Mbi xhamin e pathyer  
Të kujtimit tonë  
Bjeshka mori shpendin  
Në gji strehoi këngën  
E fluturimin kurrë se ndalën  
Rrugëve të pulëbardhave  
Edhe shtigjet në qiell  
I mbyllën me re të zeza.  
Gjarpëri me shtatë krerë  
I preu rrugën pagëzuesit  
Strehua nën rrasë  
I grabitë zogjtë  
Ditën e kurorëzimit  
Sa gjatë thirrëm ne



Nuk e mbaj mend  
Tërë natën u endëm  
Me nga një fanarë në dorë  
Natën e Shën Bartolomeut  
Mëngjesi na gjeti  
Me një kitarë në dorë  
Kur buzëqeshi dielli  
Shekulli thuri Himnin  
E zogjtë pa dëshmitar  
Vunë kurorë

### ***ORË MURI***

Shtëpia bosh  
Është shëmti  
Parmakët e dritareve  
Qajnë pa nda  
Ora e murit troket  
Mbi blozën e hirësisë  
Akrepat e orës  
Nxjerrin lot  
Pse nuk i  
Numërojnë numrat  
Por rrinë të shtangura  
Duke ngrirë heshtjen  
Tik – taku ka marrë  
Pushimin vjetor  
Ku është dora e plakut  
Që me çelësin magjik  
Jetës i bën roje  
Akrepi këputë lotin  
Mbi sekundarë  
Djersë si avull lumi  
Si shtresë jete  
Minuti u bë dekadë  
Ora u bë shekull  
E shekulli kah po shkon  
Duke u degdisur

### ***ATJE...***

Atje dikund  
Tejmatanë  
Qilarëve të shtëpisë  
Mbi fushën e mbjellë  
Me pambuk  
E shoh zemrën  
E ndrydhur të dheut  
Tok' e ashtit tim ilirian.  
Mëngjesi  
E lind ditën e re

Qielli zgjerohet  
Ikni prej strehëve të gjumit  
Prej strofullës së mëkatit  
Prej përkuljes së dorëzimit  
Të përmbysur  
Merre jetën e re  
Braktis monotonin  
moteve lodhur  
jeta është  
Një lojë e pafajshme  
Pentagram i pakënduar

### ***JETA***

Çuditërisht  
I madh ishte lëmshi  
I ngatërruar mendimi  
E fija e gjatë  
Porsi jeta e pasosur  
Jeta është lum i pashtershëm  
Që puth dy brigjet  
E shtratit  
T'përgjumur  
E ujë nuk mbushet  
As një gotë raki.  
Jeta - lëmsh i rëndë  
Ngarkuar mbi supe  
Ecë i heshturi Imzot  
Shekullin bindi  
E mundi  
Me durim  
E vetë iku në Parajsë  
Te Panteonet  
E kombit tim

### ***TESTAMENTI***

Testamenti i t'parëve  
Frymonë gjysmëheshtur  
Fjalët u bënë vepër  
I morën këmbët  
U rritën  
E gëzuan tjerët  
Në kopshtin e Adamit  
Ai iku për mjegull  
Për të përkëdhelur dritën  
Heshtja zbriti prej diellit  
Prej reve të qiellit  
E prek palcën  
E ashtit të dheut  
Me brumin zemër

Vullkani i dheut të lakmuar  
Në heshtje iku  
Në kopshtin e Adamit  
Duke rendur  
Pas mollës së Evës

### ***QETËSI***

Veniten çastet  
Qiri mbi tavolin digjet  
Drita zbehet  
Cigarja në taketuke  
Në heshtje  
grimos vetvehten  
E shpuza rritë shtatin  
Tymi i saj në dhomë  
Si gjarpëri bretkosën  
Kafshon...  
Lapsi im kalëron  
Mbi letrën e bardhë  
Gjen shpirti  
Burojnë heroiglifet  
E zemrës  
Bërthamë shqetësimesh  
E lumturish  
Gërshetim jete  
Sonte edhe lumi  
Ka ndërprerë shungulliimën  
E shplakave mbi gurë  
Karkalecat e verës  
Bëjnë gjumin në mugëtirë  
Shpendmira ka rënë  
Në dashuri me pahirë  
Por ikë me muzgun e natës  
Me duçe mbi shpinë  
E një ditë do të kthehem  
Para lindjes së Diellit

### ***MESHARI***



Ia numërova  
Vargjet dhe heshtjen  
M'u duk se u takova  
Me Buzukun  
Shkallëve të koridorit romak  
Në Bibliotekën e Vatikanit  
Fola me plakun e urtë.  
I dehur  
Me dozë yjesh  
U takova edhe me  
Mikel Marulin  
E gjeta  
Formulën e Pagëzimit  
Dhe Pal Engjëllin  
Që digjej nga përmallimi  
Për studiusit e rinj  
Në pritje  
Për zogjtë e shqipeve  
Të praruar  
Me pupla zanash.  
Më pyetën nga erdhe  
M'u lidh gjuha nyje  
Thash jam biri i arbërit  
Jetoj në Dukagjin  
Mysafir i shpirtit  
Në Bibliotekën  
Shtegëtim  
Ku dergjet Meshari  
Që s'plaket kurrë -  
Burim i pashtershëm  
I kombit tim.  
Nga stendat e heshtjes  
Vitrinë e prarur  
Më thërret  
Ungjilli i Buzukut  
Pa më merr në duar  
E më dërgo atje

Ku shekujt e presin  
Dritën time në Tiranë  
Bijtë e shqipes  
T'i shoh të bashkuar  
Sa herë më ftojnë  
E vijnë të buzëqeshur  
Të më vizitojnë...

### ***IDIL MËKATI***

Ju mekatarë  
Pa më leni  
Në hirin e përjetësisë  
Në trishtimin tim  
Isha Teolog i shpirtit  
Me gjak Shqipërie  
Më leni të qetë  
Në shtratin e lindjes  
Eshtrat të prehen  
Në tokën e arbërit  
Gjumin gjumë dua ta bëj  
Mos u tallni o burra  
Me eshtrat e mia  
Se ju dënon etika  
Ju gjykon paria  
Ju mallkon historia  
Klithi zëri i teologut  
Lart nga gjithësia  
Kur anadollakët  
Ia nxorrën eshtrat nga varri  
Gjëmoi qielli nga mëkati  
U hodhën buzë Prishtevkës  
Qentë lozin me eshtra  
Dhe aty u ngrit xhamia  
Mallkoi Pjetër Bogdani  
Dorën gjakatare  
Bekoi truallin e Arbërit  
Ku rriti shatin djaloshar  
Dhe natyrën e ndritur  
Që dhuroi margaritarë  
Zotërat e ndalën shiqimin  
Mbi hatanë e asaj dite  
Kur korbat e krimin  
E nxorrën nga varri  
Dhe eshtërat e Trimit  
Zvarriteshin rrugëve të Prishtinës  
Qentë e pamëshirshem  
Luanin lojën e tërbimit

### ***SHALLI I ERËS***

Kur shkrin  
Akulli i shekullit  
Heshtja kafshoi dhembjen  
Para stolive t' Atdheut  
Urat e bekuar  
Ngjyrë i dha bukurisë  
E jetë fjalës  
E pluhurin e moçëm  
Ngarkuam  
Në qerre kuajsh  
E fluturimin  
Varrosëm nën qershi  
Pakë patëm ngelur  
Por jeta  
Ishte një sihariq  
U ripërtëri  
Ai ishte aty  
Se kishte arritur i parë  
Me qerren e mundimit  
Të vuajtjes  
Me shallin e erës  
Shekullin e pagëzoi ringjallje  
Jetë i dëshiroi gurit e drurit  
Me pak fjalë  
Me shumë dashuri

### ***BORXHI***

Nuk frenon mendja  
Për asnjë çast  
Oshilon kalëron  
E trokitjet e zemrës  
Pralmisë mbi hartën e vjetër  
Të trojeve Ilire  
Fluturon me kuajt e erës  
Pëllëmbë për pëllëmbë  
Me shpejtësinë e dritës  
Masë Atdheun  
E t'parëve tanë.  
Them me vete  
Kurrë s`mund të laj  
Borxhin Atdheut  
Isha dhe  
Ngela fajdexhi  
I botës  
Mbi glob  
Mësoni ju pasardhës  
Se borxh i kem Atdheut.  
Mëkatet nuk pastron  
Uj bjeshke

As dritë e tokës  
E shpëlan nderi  
i atyre që u anatemuan  
Për liri  
Në secilin shteg  
Në secilën hije  
Shkruajmë epitafe  
Pantheon dashurie.

### ***HESHTJA***

Jetën e qëndisëm me heshtje  
Ai shkroi monotoninë  
E heshtjes kur s' duhej  
Fjalën kolosale e ruan  
Si plumbin e fundit  
Me heshtje e punë  
Mundi i t'paheshturit  
Veprën e madhëron  
Zbriti me heshje në thellësi  
Heshtja fluturoi në gjithësi  
Apostujt u ngjitën shkallëve  
Të jetës në pavidëksi  
Në zemër të dheut  
Gjurmoi eshtrat e të parëve  
Tokë e përvëlur nga vuajtjet  
Atje takoi panteonet e kombit  
Që i bënë nderë Mëmëdheut  
Heshtjen e pat fjalë  
E fjalën e pat ar  
Në heshtje e pat fshehur  
Edhe dritën e diellit  
Edhe llavën e zjarrit  
Me heshtje triumfoi  
Mbi betejat e paparashikuara  
E pushtoi heshtjen me punë  
E mundi dhunën me heshtje  
Perlë e rrallë  
Që s'u dorëzua kurrë

### ***PLATFORMA E PADURIMIT***

Një pritje me ethe  
Kohën e ftohët e mallkova  
Në pritje i vetmuar  
Çdo kalimtar rasti  
Në heshtje  
Një nga një i numërova  
Dolën shumë  
Nga pritja e gjatë  
Për Ty

Të gjithëve ua lexova fytyrën  
Seicili kishte nga një shkëlqim  
Që rrezaton kureshtje  
Kalonin e iknin ngutshëm  
Por asnjëri s'e shiqoi në sy  
Pritjen time  
Lëvizjet ishin  
Si një lojë e bukur  
Zbukuroheshin si hijet  
Si lulet  
E unë zhelani i pritjes  
Me kollare e kostum  
Fytyrën e pritjes  
S'ma lexoi kush dot  
Koha nuk i la të gjithë  
I patën hyrë borxh  
Më dukej si një ëndërr  
Me tringëllimën  
E zanoreve të mia  
Dielli shkëlqente mbi çati  
Heshtje e zhurmë bashkë  
Era lëmonte gjethet  
E tallej me flokë kaçurrele  
Dita e hante vetveten  
E unë prisja ate  
Që duhej të vijë  
Me shpejtësinë e erës  
Duke ateruar  
Me flatrat e padurimit

### ***MONOLOG***

Me gjakun e të persekutuarve  
U shkruan emrat që na mungojnë.  
Piramidat e eshtrave nëpër arkiva  
U futën në arkat e kujtesës  
E armiku i groposi thellë ne tokë  
T'ua zhdukë gjurmët...  
Heshtja bluan urrejtjen si  
Misrin në mullirin e erës  
E mllëfi rritej si murrizi n'bjeshkë  
Durimi me dhëmbët shtrënguar  
E buzët e përgjakura  
Asgjë s'i falë harresës.  
Kujtesa kurrë nuk i fshiu  
Engjëjt që i zhdukën  
Pa gjurmë e pa nishan.  
Zemrat pasqyrë e thyer  
Si tokë e çarë shtojnë hasmërinë  
Deri në kupë qielli  
Mbi krahët e hënës...



Vuajtjet thellohen si prrockat malore  
E urrejtja rritej si lumenjtë n'pranverë.  
Kujtesa ngjitej shkëmbinjëve përpjetë  
Ilaçet kurrë nuk shëruan plagët e rreshkura.  
Gurët e rëndë mbi ballin e vuajtjeve  
Toka thithte frushkuj gjaku  
Kufomat e varrosura tinëzisht  
I bënë rrafsh me tokë i mbollën  
Trungjet e vuajtjeve qau mali  
E qielli dhe toka kurrë s'u pajtuan  
Me gjakpirës e vrasës  
Me kameleonë  
Me kanibalë e vazalë.

### ***KËMISHA***

Këmishën të prerë pa kopsa  
Na veshën me dhunë  
E ne s'e deshëm  
Se patëm jataganë  
Qyrka e kobure  
Plisbardhë shokën  
Dhe zemrën plot  
Duke u zgërdhirë  
Bënë dasmë të mallkuarit  
U puthën gjithë natën  
Me gotat e akloolit  
Si lugetër pollën kobin  
E albanofobisë.  
Tradhtisë  
Kurrë nderi nuk i takon  
Dora që nënshkruan  
Me sharrë në zemër  
E në gjirin e vet fut  
Gacat e ndezura  
Nga krateri i vullkanit Ilirian  
Mburojë e historisë  
Mësues' e jetës  
Testamentin laton.  
Nga ashklat e zemrës  
Diçka mallkon eshtrat lëvizin  
Në tokën e praruar nga thellësia  
Diçka kumbon  
Mos luani me gjakun  
Flaka e mallkimit  
Ju përvëlon!

### **Shtegtim dashurie**

## ***GJURMË SHPIRTI***

Gjurmët e mia

Të ngelën në faqe

Kujtim i paharruar

Hartë e pikëpjekjes

Së ndjenjës

Në oqeanin e syve tu

Shtatë milionë ngjyra

Rrjedhin lumenjtë

E ëmbël të dashurisë

Gjurmëve të kohës

Vullkan tektonik

Eshttrat s'i tretë dheu

Kujtimin s'e zbeh koha

Zjarri i dashurisë

Nuk shuhet kurrë

Prushnajë vullkani

Besa krijon vepra

Fjalët s'i merr era

Kujtimet e shpirtit

Përkunden në djepin

E atdheut të dashurisë

## ***ZJARR DASHURIE***

Sa zjarr dashurie

Ka kjo zemër pellg vetmie

Kush nuk ma shuan mallin  
Rrugëtimin drejt vatrës amtare  
Sa kujtime zhagitë truri  
As treni me vagona nuk i bartë  
Sa përjetime bart burri  
Anija e Titanikut me vehte s'i bart  
Sa ëndërra e mall ka shtegtari  
Zogu me flatra të bardha i pat marrë

### ***DIKURË***



Mbi kodrën e thatë  
Në vendlindje  
Diku kish rënë  
Ylli polar  
Çudi e paparë  
... dikurë.  
E bukura e fshatit  
Ka veshë  
Vello nusërie  
ngrit  
maj kodrës  
... u kthye  
Me unazë në gisht  
Në shoqëri  
Me mbretin Longar.  
Eh sa dasëm të madhe  
Bënë trojet  
Zjarri i lashtë rindez  
Plisat e bardhë shkëlqenin  
Kënga e djemve e vajzave  
burrave plot tre javë  
Fusha kodra lugje e pyje  
Kënduan për nusen e re

Gjithë fisi vlonte nga gëzimi  
Jeta ringjall  
Zemrat e bekuara nga Zoti  
Rikthyen gëzimin mbi Arbëri  
E jetën e përtërinë  
Dashuria regjenerin...

## **MAHNITJE**

Hej moj  
Simfoni e pambaruar  
Kitarë e penë në dorë  
Shtizë flamuri për krushqi  
Në dasmën e madhe “tridhjetë vjeçare”  
E sonte duan të çmallen  
Me ju  
Ju që me ta dikurë  
Ndarë keni një kokërr krip  
Mbi gazetatat e kohës  
Tok farkonit  
Fatin e Atdheut  
N’ilegalitet  
Tri roje në pararojë.  
Në shtratin e dergjur  
Të çmallemi me pavdeksinë  
Trinom atdhedashurie  
Nder kombi përjetë  
Lule t’pavyshkura  
trase Pavarësie  
Janarëve të përflakur  
Të borës së skuqur  
Me fanarë lirie.  
Korbat grabitqarë  
Hutat parazitët lakuriqët  
Lugetërit e natës  
Përbindëshit  
Mbyllën  
Portën e konakut  
Bënë „nderë“  
bënë puç...  
E Dasmën kurrë  
Është zhbënë  
Mbi idealet e ndritura  
Flakë janari  
Pavdekshmëri  
Zemër Shqipëri  
Dritë ardhmëri.  
Bacë  
Ata treguan satrapsinë e vet  
Teli i skuqur i kitarës

U këputë për një çast  
Gjëmoi dhimbje vllazërie  
E Nënë Ajshja më thirri  
Nga Duboviku  
Bir ruaju nga armiku  
Pikëllimin munde me kranari  
Se prej korbave të zi  
Nuk pritet mirësi.

### ***MIKPRITJA***

Bukë misri  
Në çerep  
Krip deti  
Djath delje  
E kajmak  
Patate prej  
Trapi  
Gështenja prej  
Kotari  
Ftoj prej  
Arke  
Arra prej  
Hambari  
Mollëkuqe  
N'arkë  
Kafe të pjekur  
Prej oxhaku  
Duhan kaçak prej  
Bakfoni  
Parodi e rrallë  
Mikpritje shqiptari.

### ***UDHËTARËT***

Udhëtarët e globit  
Janë flera diellore  
Janë stuhi  
E dielli është plazmë  
Ata  
Malli kurrë  
S'i ngopë  
Malli kurrë  
S'i ndalë  
Malli kurr  
S'i lodhë  
Llavë eruptive  
Kalojnë  
Në shtegun e

Qumshtit  
Jemi qenie kosmike  
Bashkë  
I presim zanoret  
Në portën e bardhë.

### ***TEK URA***

Tek Ura e Moraqës  
Me pritë Osa Kuka  
Atje ku Vranina  
Etjen e shuan  
Shkojmë te kulla mitike  
Kërkojmë gjurmë  
Koha i gllabëron  
Njalat e Liqenit  
Notojnë të lira  
Rozafa roje iu bën roje.  
Kurrë mos u mashtro  
Kurrë mos u tradhëto  
Se kurtha e pabesisë  
I ka një mijë të liga  
Barotin fshihe në Kullë  
Se me verë të kuqe  
Darkën në Vir Pazar  
Osa Kuka me shqiptarë.  
E konakun ilirian  
E kemi në Shestan  
Atje ku çel lulja në gurë  
Zanat shqiptare  
Ruajnë zakon e kulturë.

### ***E PASHË***

Në grykën e Koronës  
Kam parë ylberin  
Njëmijë herë  
E mbi petalet  
E lules  
Lirinë në Pranverë.  
Kurorën ua dhurova  
Zogjëve sqep bardhë  
Që me flatra puthnin  
Tokën  
E me gjuhë  
Lëpinin gurët  
E vatrës  
E zjarrin ndezin  
N'oxhak  
Me buzë qehlibar.

## ***SHTEGTIMI***

Shtegtimi im kosmik

Është prafullimë yjesh

Nëpër shkallët e jetës

Mbi brigjet e përjetësisë

Dhe shkëmbinjtë e bjeshkës

Rrugës plotë me leqe

Gjunjët m'u patën zalisur

Kodrën e zgjova

Nga gjumi i dimrit

Shpatijet i ngarkova

Mbi supe duke gulçuar

U ngjita majë bjeshkësh

Që ta prek qiellin

Në atë lartësi të bekuar

Të takohem me diellin

Ta shoh duke aguar

Shkallët e kohës

Për t'i ndërtuar

Deri lart në yllësi

Nuk do të jem më i kapitur

Yll në gjithësi

Por lumë i kthjelltë

I ftohtë akull i brishtë

Që zhdërgjem

Nga majet e praruara

Për ta shuar etjen tënde

Zile e shpirtit tim Alban

### ***ZJARRI***

Kur Nënëlokja

Na vizitoi në Perëndim

Fluturoi nga Parajsa

Në krahun e zogut jetim

Pasë shumë vitesh

Me lot përqafimi

Në dhe të huaj

solli ujin e burimit

ta e shuaj etjen

E zjarrt t'mallimit

Dy ftonj në çantën e dorës

Me aromë Kosove

T'ka sjellë Nënëlokja

Të qërosh

Njërën kur bie në tokë

Fjollë dëbore

E tjetrin

Kur natyra vishet me gjelbrim

Sa here që thërret vendi im

Ja dhe mollët e avlisë

shijo sa janë t'ëmbra

Për nipërit e Nënëlokës

Qenka më afër

Se Bërliqi nga Prishtina

Pse nuk na vizitoni më shpesh

Pse çdo fundjave

Në katund nuk vinë fëmija

Tha Nënëlokja

Në kurriz mbi 80 vjet

Mysafire ardhë n'kurbet

### ***LUGINA E BEKUAR***

Nëpër faqet e kohës

Armiku i xhindosur

Kur dëgjon për Arbër

Gjak e hi dhe varr

Në sy na ka si halë

Mbi bukën e përditshme të dijes

Kore misri me durim e kushtrim

Mbi traditën diell i shëndritur

Mbi krahët e shpresës bashkim



Nje ditë do të rrënohet hipokrizia  
Dhe të gjitha kultet e padrejtësisë  
Mbi tingujt e këmbanave lajmtare  
Do të shëndrrisë rrezja e lirisë  
Në faqet e bardha plot shkëndija  
Presheva nuse e bashkimit do të agojë  
Herët a vonë do të jehojë një jehonë  
Mbi liqenin e nën qiellin e bashkimit  
Do të nusërohet Arbëria e jonë  
Mbi retë e ngritura mbi fier e myshk  
Përmbi furtunat dhe djersët e stuhisë  
Do të përdhosen muret e ndarjes  
Presheva do t'i hapë portat e ardhmërisë  
Përmbi pragjet e zemrës  
E mbi idealet e pa fjetura  
Me afshin e zjarrit të bekuar  
Sërish do t'i bashkojmë trojet e vjetra

### ***KUSH***

Kush qëndisë sonte  
Mbi gjergjefin e ëndrrave  
Me gjilpërën e vashave të fejuara  
Me këngën e zogjëve të qiellit  
Të lastruar  
Të çmendur pasë dashurisë  
Kanë ngritur çerdhën  
Nën dritarën e Hyjneshës së Diellit  
Diçka ma tremb natën  
Lakuriqët fluturojnë në vëzhgim  
Grabitqari i territ  
Vazhdon shtigjeve të plaçkës  
Rrugës së turpër  
Fluturimi i tyre mallkim  
Kalorsëit e dasmave të mëdha  
Zogjëve u dhanë premtim  
Se çerdhet e tyre  
Nën dritarën e hyjneshës  
I mbrojnë me shigjetat e Trojës  
Zogjtë lozonjarë që kendojnë  
Këngët më të bukura të botës

### ***FLUTURIM***

Nga vendet e largëta  
Fluturuan zogjtë  
Shtegtarë  
E etja i shtrëngoi  
Nëpër kohë  
U ndalën te breglumi  
T'i njomin buzët e shkrumuara

Por zoti u paralajmëroi  
Se lumin e kishin helmuar  
Zogjtë vazhduan shtegtimin  
Fluturuan si engjëjt  
Me shpirtërat e fëmijëve  
Të padjallëzuar  
Mbi flatra  
Etjen e bartën me vete  
Zoti i erërave ua mësoi rrugën  
Pa u lodhur nga rrugëtimi  
Cakun e puthën  
Pasi papritmas i gjetën  
Portat e hapura të shpirtit  
Me përgjërim  
Zoti i shiut dëgjoi cicërimën  
Tuboi retë dhe ua lëshoi shiun  
Për ta shuar etjen e imagjinuar  
Zotin e shiut e bekuan  
Buzët e shkrumuara  
I njomën me ujin e bekuar  
Freskia e Parajsës  
Dhunti e pa imagjionuar

### ***MA FAL***

Ma fal  
Atë që ta fali Perëndia  
Bukurinë...  
Se dhuratë e ke  
Dikujt për t'ia dhuruar  
Ma fal buzëqeshjen  
Në janarët e ngrirë  
Akullin e zemrës  
Ma shkrij  
Anijet për të lundruar  
Ma fal  
Atë që e shkrinë mallin  
Si dielli vesën që e terr  
Ma fal trëndafillin e zemrës  
Që ta ujis me lotët e besnikërisë  
Dhe të dashurisë...  
Unë flasë me heshtjen  
Ti sfet por ofshan...  
Më thuaj a e kërkova  
Më shumë se atë  
Që Perëndia ty  
Dhuratë ta pat dhënë

### ***YLL I TREMBUR***

Kur ndrydhë pikëllimi

I yllit të trembur  
Mbi qiellin e pa matur  
Urrejtja merr zjarr  
Hijet nëpër shtigje  
I njomë shiu i vakët  
Lulet nmes të therrave  
I ngrohë mëngjesi në ag...  
Shtrirë një dorë e lypsit  
Me zemrën blozë  
Varfanjaku i lodhur  
Një kothere buke kërkonë  
Kush e hodhi në arkivol  
Kosovën tonë  
Troket derë më derë  
Duket si kusarë  
Vajmedet si në Mesjetë  
Kush ka zemër të dli­rë  
Diçka për t'i falë.  
Shpirtvuajturi tretet  
Rrugëve të pa fund  
Me gjuhën e shkopit  
Këmbanat e mjerimit  
Kurrë s'i morën fund...  
Të pasurit kalojnë pranë  
Shiqojnë me nençmim  
Dhe me fodullëk antipoetik  
Në luftë i la të shtrenjtë e vet  
Kambana e mjerimit  
Për kujtim në votër i mbet

### ***GJUMI I IKUR***

Tërë natën bëra sehirë  
Se gjumin ma vodhi  
Ajo që po ngërhatë  
Tejamtanë murit tim.  
Recepcionieri dremit  
Nata është zhytur në thellësi  
Si një kënetë e përgjumur  
Mbi moçalet e jetës.  
E unë mbi tavolinë  
Si qiri i ndezur  
Në katër kënde  
Stuhi e papërgjumur.  
Sonte shfletoj kujtimet  
Dua ta pikturoj fytyrën tende  
Dua ta shkruaj emrin tënd  
Me gjakun e zemrës sime...  
Kanjusha ime e bardhë  
Mos je lejlek zemre

Në gur do ta gdhend fytyrën  
Lotin mbi faqe e shijova  
Ëmbëlsi e njelmët  
Margaritar.  
Loti i kripur  
M'i shëroi plagët e shpirtit  
Mehlem për varrë  
Vellon do ta blejmë bashkë  
Në Vlorë shtizat flamuri  
Për Dasmën së madhe  
Që do ta trondisë  
Nëntorin e dashurisë...

### ***NË VELANI***

Një ditë janari mori pushim jeta  
Një bjeshkë sa maja e Gjeravicës  
Plaku i fisit tim  
Me baballarët e kombit  
Rreth mangallës prushnajë  
Oxhaku - i bashkoi jeta  
Në Parajsë...  
Vioritin e puth rezja  
Dy kokrra loti për ty  
Intelektuali i hjekave  
Simboli i fisit tim  
Rrallë i lindin kombit  
Burrat si ti!

### ***PRA***

Sonte natës  
Pulëbardhat i bejnë konak  
Mbi dallgët e trazuara  
Palohen valët e ëmbla  
Të detit të njelmët...  
Rrëpishëm mbi shkëmbin e gëlqerosur  
Thejnë qafën valët shkumë  
Në stërkalë...  
E pulëbardhat gjuajnë ëndërrat e tyre  
Duke çukatur peshkun e artë...  
Nata ushton e merr në gji  
Ulqinin Plak, e marinari  
Me barkën mbi valë  
Qëndresës i bën konak...

### ***PORTA***

Porta e hapur  
Karrocë nusërie  
Mbi vetullat shekullit  
Flamur Dardanie...

Krushqit e fiseve  
Me metafora  
Bluajnë fjalën mëvehtësi.  
Ata  
Që betimin e dhanë  
Dhe nxorrën gurë  
E vetë hynë si vetëtimë  
Në zemër të rrasës së zogut  
Hapën dritaret e jetës  
E shekullit i dhanë dritë.  
E rrasa e Zogut  
Përkundët lehtë  
E levarshtë, e qetë  
Në djepin e lirisë  
Me baladën  
E prillit të thyer..  
Nga Kosharja në Lezhë.

### ***HISTORI***

E lidha historinë  
Me shallin e mbrojtjes  
Që t'ia mbuloj gjurmët  
E fytit të përgjakur  
E lidha bre  
Mbi qafën time të përvuajtur  
Fyti im lum i tharë nga britmat  
Shtrat i shkretëruar nga etja  
I rrahur me shuplaka ere  
I goditur pa mëshirë  
Nga kërbacët e tërbuar  
Të skllavërisë sllavjane...  
Fyti im  
Lis me hije të madhe  
Strofull për të gjithë zogjtë  
Shkëndijë e dritë burimi  
Rritë me panteon trimërie  
I lyer me ngjyrë gjallërie  
Që kurrë ngjyra si bie  
Eheee, obububuuuu  
Po sa e gjallë është historia  
Dhe sa e madhe është shqiptaria...

## **BIBLIOGRAFI**

**Neki Lulaj** u lind më 13 janar të vitit 1955, në universin e fshatit shqiptar (në Bërliq të Pejës). Është njëri nga poetët më të frymëzuar të diasporës sonë. Shkollimin fillestar e finalizoi me sukses të shkëlqyeshëm, në shkollën fillore katërklasëshe "Liria" në Prapaqan. Gjatë kësaj kohe pati fat ta kishte mësues Ramiz Popovcin, i cili kishte mësuar një vit më parë me martirin e shqiptarizmit, Jusuf Gërvalla. Gjimnazin „Vëllezërit Frashëri” e kreu në Deçan, duke udhëtuar nga 15 km. në ditë në këmbë, së bashku me patriotin e famshëm, Komandantin e Kosharës, Sali Çekaj dhe Qazim Lulajn. Pas përfundimit të gjimnazit u regjistrua në Fakultetin Filozofik të Universitetit të Prishtinës (Dega e Letërsisë dhe Gjuhës Shqipe), ndërsa në vitin e tretë, pa u shkëputur nga ndjekja e ligjëratave, u regjistrua edhe në Shkollën e Lartë Pedagogjike „Bajram Curri”, në Gjakovë (Dega Gjuhë dhe Letërsi Shqipe), të cilën e përfundoi me sukses, falë përkrahjes profesionale të poetit dhe profesorit të ndjerë, Din Mehmeti. Me shkrime ka filluar të merret qysh në moshë të njomë, duke botuar në gazeta, revista dhe media elektronike, poezi dhe shkrime publicistike me karakter patriotik.

Aktualisht jeton dhe vepron në Gjermani, ku punon si mësimdhënës në një shkollë gjermane me fëmijë shqiptarë, dhe është mësimdhënës i rregullt edhe në një shkollë gjermane. Gjatë studimeve universitare ka bashkëpunuar me disa media të shtypura: Bota e re, Pionieri, Zëri i rinisë, Rilindja, kurse më vonë edhe me revistën Albania. Bashkëpunon rregullisht me gazetatat kombëtare Bota sot dhe Zemra Shqiptare, me poezi dhe artikuj të ndryshëm kushtuar aktiviteteve të shqiptarëve në diasporë. Është i martuar me Fetaneten (teknike e mjeksisë) dhe baba i katër fëmijëve të florinjte (Adriatiku, Albiana, Iliriana, Armendi), si dhe gjysh i Leartit të vogël. Neki Lulaj është anëtar i kryesisë së Lidhjes së Shkrimtarëve, Artistëve e Krijuesve Shqiptarë në Gjermani, koautor i antologjisë “Trinomi i lirisë”, prezent në revistën “Shqiptari” dhe antologjitë “Kështjella e ëndrrave”, “Shpirti dashurisë” “Trinomi I lirisë” etj. **Bibliografi lirike:** „Dardania ime” (Albanezul, Bukuresht, 2011), „Në kështjellën e përjetësisë” (Amanda Edit, Bukuresht, 2011), “Zjarri i shpirtit” (Amanda Edit, Bukuresht, 2012), “Bukuri e bekuar” (Amanda Edit, Bukuresht 2012). Për librat e tij janë qëndisur disa recensione të favorshme, në të cilat zotëron realizmi mbi botën sentimentale të një mërgimtari të inspiruar që shkruan me kuptim dhe qartësi për dashurinë dhe atdhedashurinë e zemrave tona.

## **PËRMBAJTJA – INHALT**

*PËRSIATJE EMOCIONALE POETIKE / 4*

*Syri magjik*

*LULET E SHPIRTIT / 8*

*SHEKUJ DRITE / 9*

*KRENARIA / 10*

*JAM / 12*

*TRUP I PLAGOSUR / 13*

*KAH DIELLI / 14*

*GURGULLIMË LUMI / 15*

*KRRUTË PLAKU / 16*

*NËNA IME / 17*

*MUZG MENDIMESH / 19*

*YLL I GJITHËSISË / 20*

*DORËSHKRIMI / 21*

*FAQET E JETËS / 22*

*NGJYRË YLBERI / 23*

*BUKURI E BEKUAR / 24*

*NUK DUA / 25*

*MALL ZEMRE / 26*

*ËNDËRRIME / 28*

*Lulet e kurbetit*

*ERA / 29*

*JAM NDRYDHUR / 31*

*M'I TUBONI ESHTRAT / 32*

*ZANORE KOHE / 33*

*TË PRITA / 34*

*LULET E KURBETIT / 35*

*BUZËQESHJE E NGRIRË / 36*

*MBI KËTË / 37*

*HAPI IM / 38*

*SI MOS T'JU URREJ / 39*

*KONTRAST / 41*

*LIS SHEKULLI / 43*

*TRUP I PLAGOSUR / 44*

*MENDIME / 45*

*LIQE I NATYRËS / 46*

*ORTEK BORE / 48*

*TESTAMENTI / 50*

*RRAHJE KOHËRASH / 51*

*MOS / 52 / FAJI / 52*

*MIKU IM / 53*

*NJË HERË / 54*

*ZËRI I KULLËS / 55*

*GJURMËT / 56*

*GURI I BEKUAR / 57*

*HIJA / 58*

*ORË MURI / 59*

*ATJE / 60 / JETA / 61*

*TESTAMENTI / 62*

*QETËSI / 63*

*MESHARI / 64*

*IDIL MËKATI / 66*

*SHALLI I ERËS / 68*

*BORXHI / 67*

*HESHTJA / 68*

*PLATFORMA E PADURIMIT / 71*

*MONOLOG / 73*

*KËMISHA / 74*

*Shtegtim dashurie*

*GJURMË SHPIRTI / 75*

*ZJARR DASHURIE / 76*

*DIKURË / 77*

*MAHNITJE / 79*

*MIKPRITJA / 81*

*UDHËTARËT / 82*

*TEK URA / 83*

*E PASHË / 84*

*SHTEGTIMI / 85*

*ZJARRI / 86*

*LUGINA E BEKUAR / 87*

*KUSH / 88*

*FLUTURIM / 89*



<i>MA FAL</i>	/ 90
<i>YLLI I TREMBUR</i>	/ 91
<i>GJUMI I IKUR</i>	/ 92
<i>NË VELANI</i>	/ 93
<i>PRA</i>	/ 93
<i>PORTA</i>	/ 94
<i>HISTORI</i>	/ 95
<i>BIBLIOGRAFI</i>	/ 96